

SCRIPT OF EVENING GOJRI NEWS BULLETIN 6AUG 1700 HRS

اونینگ گو جری نیوز بلیٹن مورخہ 6 اگست 2025

یوہ آکا شوانی جموں بے عبدالرحمان تے نصرت چوہدری تیں خبر سُنو۔

HEADLINES

- ۱۔ وزیر اعلیٰ عمر عبداللہ نے جموں کشمیر غی ریاسی حیثیت غی بروقت بحالی واسطے عدالت عظمیٰ تیں مداخلت غی اپیل کی۔
- ۲۔ زرعی وزیر جاوید احمد ڈار نے خدیدار فروخت کنندہ ملاقات ماتہہ باغبانی واسطے منڈی ور مبنی نظریہ ور زور دتو۔
- ۳۔ قومی قبائلی میلو ملک غی مقامی ثقافت غی عکاسی کرے وزیر قبائلی امور جاوید احمد رانا نے اس ناتہہ فخر غی علامت کہیو۔
- ۴۔ وانٹ نانیٹ کور گا جی اوسی لیفٹیننٹ جنرل پی کے مشرانے پونچھ بریگیڈ گا اگلا علاقہ گو دورو کی وتے حفاتی چوکسی ور زور دتو۔
- ۵۔ جموں کشمیر غا متعدد ضلاع واسطے اج شام درمیانہ تیں شدید بارش غے باعج اچانک سیلاب گو الرٹ جاری ہووے۔

CM STATEHOOD

وزیر اعلیٰ عمر عبداللہ نے عدالت عظمیٰ تیں اپیل کی ہے کہ جموں کشمیر ناتہہ ریاستی درجو واپس دین واسطے ایک واضح وقت مقرر کی وجے ذرائع ابلاغ سنگ گل کرتا واں اُنہاں نے کہیو کہ ریاستی درجہ گو وعدو عوام تیں جلوساں پارلیمان تے عدالت عظمیٰ ماتہہ کی وگیو ہے تے بُن اس وعدہ ناتہہ بغیر تاخیر غے پورو کیو جاتو چاہیے اُنہاں نے کہیو کہ جس طرح عدالت عظمیٰ نے انتخابات واسطے وقت مقررر کیو ہے اسی طرح ریاستی درجہ غی بحالی واسطے وی ایسو ہی قدم چانو چاہیے ذرائع ابلاغ سنگ گل کرتا واں وزیر اعلیٰ نے اس طرح کہیو۔

BUYER SELLER MEET

محکمہ باغبانی نے اج کنونشن مرکز جموں ماتہہ ریدار فروخت کنندہ ملاقات گو انعقاد کیو جس غو موضوع تھو کساناں ناتہہ منڈیاں تیں جوڑنو اس موقع ور زرعی وزیر جاوید احمد ڈار نے شرکت کی تے کہی وکہ یاه پہل حکومت غا اُس نظریہ گو حصو ہے جس غو مقصد منڈی ور مبنی پائیدار نظام بناتو ہے جیہڑو باغبانی ور مبنی روزگار تے شفاف قیمتاں گا تعاون ناتہہ فروغ دے تانجے طویل مدتی کاروباری مواقع پیدا ویں یوہ پروگرام مرکزی زیر انتظام علاقہ غی ترقی کرتا واں باغبانی غی صنعت ماتہہ منڈی غا روابط تے زرعی کاروباری شراکت داریاں ناتہہ مضبوط کرن واسطے منعقد کی وگیو اس ماتہہ کاشت کاراں تاجراں برآمد کنندگان تے ملک پھر تیں خوردہ فروشاں نے اس ماتہہ حصو لیو۔

NATIONAL TRIBAL FEST

قبائلی امور گا وزیر جاوید احمد رانا نے اج کہیو کہ گریز ماتہہ مانیو جان آلو قومی قبائلی تہوار بھارت غا قبائلی شناخت ناتہہ اُجاگر کرے۔ اُنہاں نے کہیو کہ یوہ تہوار ملک غا رنگا رنگ تے متنوع قبائلی روایات ناتہہ دنیا غے سامنے پیش کرے تے اتحاد و ثقافتی ورثہ غا مضبوط پیغام دے میلہ تیں خطاب کرتا واں اُنہاں نے کہیو کہ ایسا پروگرام قبائلی برادریاں غی گہری جڑاں آلا ورثہ تے اُن گا ثقافتی کردار ناتہہ تسلیم کرے ت بھارت غا مقامی ورثہ غی طاقت، عزم تے تنوع ناتہہ خراج تحسین پیش کرے۔ اسے دوران گجرات تیں رتھوا آدیواسی لوک نرتیہ گروپ کی نمائندگی کر رہی تھیں نے وی اپنا خیالات غو اظہار کیو تے اُنہاں نے اس طرح کہیو۔

GOJRI WORKSHOP

جاری چنار کتاب میلہ جیہڑو نیشنل بُک ٹرسٹ انڈیا غی جانب تیں منعقد کیو جارہیو ہے ایک تاریخی سنگ میل غی صورت اختیار کر گیو ہے کیونجے اس ماتہہ گوجری ترجمہ ورکشاپ غو انعقاد کیو گیو ہے یوہ

پہلو موقعو ہے جد راشٹریہ بال پستکلیا سیریز نانہ گوجری زبان مانہہ ترجمو کیو جاریو ہے راجوری
 انتت ناگ تیں پارلیمان ممبر میاں الطاف احمد نے ورکشاپ غو دورو کی وتے مترجمین غے نال ملاقات
 کی اُنہاں نے گوجری زبان او ثقافت غا تحفظ ت گوجری بولن آلی برادریاں واسطے معیاری ت بچان
 واسطے ادب غی فراہمی غی کوششاں نانہہ سہرايو۔ اس بارے گل کرتا واں گوجری لکھاڑی پروفیسر ایم
 کے وکار نے اس طرح کہیو۔

GOC POONCH BRIGADE

فوج غی وائنت نائیٹ گور غا جنرل آفیسر کمانڈنگ لیفٹیننٹ جنرل پی کے مشرہ نے ایس آف سپیڈز
 ڈویژن گا جی او سی غے ہمراہ پونچھ برگیڈ غا اگلا علاقہ گوجانیو لیو دورہ غے دوران اُنہاں نانہہ
 موجودہ حفاظتی صورتحاک خطرات غا تجربہ تے فوجی دستاں غی اپریشنل تیاریاں بارے جانکاری دتی
 گئی جی او سی نے اپریشنل تیاریاں بارے جانکاری دتی۔ جی او سی نے اپریشنل غلبہ تے مربوط رد
 عمل نانہہ برقرار رکھن ورزور دتو تانجے دشمن غی کسی وی کاروانی غو موثر جواب دتو جاسکے
 اُنہاں نے افواج سنگ وی ملاقات کی تے علاقہ مانہہ ان گا بلند حوصلہ تے حفاظتی للکراں غے بشکار
 اُن غی تیاری نانہہ سہرايو۔

HAR GHAR TIRANGA

برگھر ترنگا مہم غے تحت ضلع انتظامیہ ادھمپور نے حب الوطنی تے عوامی شمولیت نانہہ فروغ دین
 واسطے بکھ بکھ تقریبات غو انعقاد کیو ترنگا رنگولی مقابلہ سکولان کالجان تے عوامی جگہاں ور
 منعقد کیا گیا گورنمنٹ ہائر سکینڈر سکول لائڈر غا طلباء نے ترنگا تیں متاثرہ فنیاراں سنگ دیواراں تے
 بورڈاں نانہہ سجا غ یخب الوطنی غا جذبہ غو مظاہرو کیو دوجی سرگرمیاں مانہہ راکھی بنان غا مقابلہ
 ترنگا ریلیں مصوری غا مقابلہ تے صفائی پانی غی حفاظت تے حفظان صحت غا بارہ مانہہ بیادی مہم
 شامل تھیں جہڑی بلاکاں تے تحصیلداں مانہہ منعقد ہونیں اس غے علاوہ بھاریہ قومی شاہراہ اتھارٹی
 غا اشتراق سنگ صفائی غے متعلق سانکلو تھون ریلی گو آگاز اڈیشنل ڈپٹی کمشنر پریم سنگھ نے کہیو
 جس مانہہ تقریباً 100 سانکل چلان آلاں نے حصو لیو اس موقع ور اڈیشنل ڈپٹی کمشنر ادھمپور پریم سنگھ
 نے اس طرح کہیو۔

SAPLINGS REASI

ایک پیڑ ماں غے ناں مہم غے تحت ریاسی ضلع مانہہ اس برسات غے دوران محکمہ جنگلات
 نے 2 لکھ بوٹا لان غا ہدف وچوں 1 لکھ 50 ہزار بوٹا لادتا ہیں اج ضلع اسپتال ریاسی مانہہ ایک خصوصی
 شجر کاری مہم گو انعقاد ہوو جس مانہہ ڈاکٹراں اسپتال گا عملہ جنگلات گا افسراں تے رضاکاراں نے
 طبی تے مقامی بوٹا لایا۔ یاہ مہم ماں غی عزت نانہہ بوٹا تیں جوڑے اس واسطے لوک سل تیں اس مانہہ
 حصو لے رہی ہیں ۔

WEATHER

محکمہ موسمیات نے درمیانہ تیں شدید بارش واسطے الرٹ جاری کیو ہے الرٹ مانہہ کہیو گیو ہے کہ
 گرج چمک وتیز ہواواں سنگ ت مختصر مگر شدید بارش ہوسکیں اگلا چند گھنٹاں مانہہ یہ بارش کئی
 ضلعان مانہہ متوقع ہیں جن مانہہ ڈوڈہ کشتواڑ رام بن ریاسی کلگام انتت ناگ شوپیاں ادھمپور ت
 راجوری شامل ہیں محکمہ موسمیات نے اچانک سیلان زمین کھسکن ت پھسلن غا خطرات بارے خبرادر
 کیو ہے خاص طورور کمزور تے حساس علاقہ مانہہ ان علاقہ گا رہائشیاں نانہہ چوکنا رین غیر
 ضروری سفر تیں گریز کرن تے مقامی عہدے داراں غی طرفوں جاری کردہ حفاظتی ہدایات ور عمل کرن
 غو مشورو دتو گیو ہے تانجے کسی وی ناگہانی واقعہ تیں بچیو جاسکے مزید معلومات سنگ ہیں محکمہ
 موسمیات غا دائریکٹر مختار احمد۔
